

Lubhghort fíneamhna fuil Ír
[O'Conor Don, 264a]
Fergal Óg Mac an Bhaird cecinit
[Deibhidhe, Dán Díreach]

- 1 Lubhghort fínemhna fuil Ír
dlighid umhla ar gach éintír
urraim súas aca uile
slata go ccnúas ccúbhruidhe.
- 2 Lubhgort fínemhna fuair geall
fuil Ír tar úaislibh Éirenn
rioghroidh chosnamha chláir Ghrég
orsanna cáigh do choimhéd.
- 3 Slata (d)tegar Temhrach Breg
gabla foluing mac Míledh
croinn dob fodhnocht don uile
lobhgort do choill chúmhroidhe.
- 4 Úaithnedha íarthoir dhomhain
cosnamhaigh chláir Chonchobhair
roíghne gasroidhe benn mBreg
dream dán cásmhoile creidemh.
- 5 Croinn fpailme fpartais Adhaimh
lucht úaislighthe and analaidh (?)
na réultona ó ráith na bFionn
éuntogha cháich go coitchenn.
- 6 Gúais sheabhaic fár gheis an lía
lega úaisle na hIndía
slúaig merchorra muighe Rath
feuthlonna toighe Temhrach.
- 7 Dlighid a n-áoinecht uile
bheith umhal d'fuil Rughruidhe
láoich lér leirthiledh fiadh Floinn
gach einchinedh riam romhoinn.
- 8 Comhtha ar gach airdri(o)gh oile
'ma ccuairt ag cloinn Rúghraidhe
cáora búadha tolcha an Trír
's gan comhtha úadha d'airdrígh.
- 9 Slechtuin d'úaislibh innsi Breg
ar son nach dligter dhibh-sen
ríoghraidh chláir éuchtuidh Eine
slechtuin dháibh do dlighfidhe.
- 10 Ni dhlighenn éunchlann oile
coimes ré cloinn Rúghruidhe
aca féine as gnáth geall^s
slata réidhe ó Rath Ráoilenn.
- 11 Ni thiocfa 's ní tainic ríamh
a ccommaith do crích Ghailían
fíorbhun don fheile uile
ríoghraidh [fh]réimhe Rughruidhe.

- 12 Leabhair Fhód(h)la cenn a ccenn
naoimh as ollamuin Éirenn
cuire le bfogh(th)ar gach fáidh
'ga moladh uile d'é(i)nláimh.
- 13 Do-chúaidh a cclú fan ccruinne
commaith chloinne Rúghraidhe
an mhacraidh ó mhúr na bFionn
nír saltair úr na hÉirenn.
- 14 Do derbaigh a ndubhairt me
én dar comainm Cerc Bhóirce
fuil Ír tar an uile fer [264b]
díbh an duine lér dáiledh.
- 15 Neach díobh tug [a] éngha úaidh
as fir Eirionn a n-énuair
cráobh toruid do thogh gach fáidh
ag cur 'na aghaidh d'énláimh.
- 16 Tug úaidh an fer cédna a chenn
ar son clú día do dithcheall
do mac ochta fhian Uladh
ríar rer dhocra dealughadh.
- 17 Re sliocht ní as adhbur tnúidh
neach dhíobh tug úadha a énsuil
geall ag an tí do toirbir
rí dob ferr fa athchoingidh.
- 18 Neach dob ferr a n-inis Ír
diobh fós Cuanna mac Coilcín
commaith Cuanna riamh roimhe
ní chúala d'fhíadh lúgoine.
- 19 Diobh Fer Dorcha mac Domhnaill
sás iomchuir gach anfhorlainn
cáor bhúaidhe chláir na ccuradh
Gúaire cháigh do chathughadh.
- 20 Ga ttam ris rugadair sin
geall féile 7 geall gaisgidh
ríoghraidh thoghtha bhrúaidh Beannchuir
buidh ortha tar Éireannchaibh.
- 21 Ga beg dhuin da derbadh soin
go ccuiredh énláoch d'Ulltoibh
ní terc duine le ndearbhtur
a nert uile ar Éireannchaib.
- 22 Leó do thuit síad cenn a ccenn
forgla airdriogh na hÉirenn
's rí an domhain ó mhuir go muir
as foghail í nach íochthair.
- 23 Cuirte daingne an domhain thoir
do lingthi íad lé hUlltuibh
as carn Balair úair eile
as bruaigh chaluid Corcuidhe.
- 24 O mhuir tToirrián na ttracht tte

- do ghabhdaois go bruach mBoinne
's o Boinn geigleabhair bhinn bhrais
go rinn n-éigneduigh Iorrais.
- 25 O chiomhsuib Lochlann a-le
leó nír f(h)ágbhadh fiú an mhíle
síar go heirr mhuighe Mumhan
don cruinne gan chúartughadh.
- 26 Láoich gan cruas acht crúas cogaidh
as é a críoch gur chosnadair
gasraidh sheólta sidhe Lir
righe na hEórpa ar eigin.
- 27 Da mbeinn fedh blíadhna go becht
ag ríomh a n-echt a n-áoinecht
na láoich dar leónadh' fíadh Floinn
a ttrían d'áiremh' ní fhédfuin.
- 28 Ge a-ta a ccartaigh chloinne hír [265a]
faghail úmhla ó gach éintir
a-ta ag Áodh úmhlocht orra
craobh do lúbhgort Líathdroma.
- 29 Gé fúair síad-san geall Gáoidheal
tuc cách ós da commáoidhemh
an geall d'áondhuine uile
áodhaire bhenn mBóruimhe.
- 30 O fuair geall [fh]reimhe Rosa
cía as medh do Mag Áongusa
sé ós cac mur as cubaidh
gnáth an ré ós réultanuibh.
- 31 An dubhradh riam maith búdh mó
ré nech d'Éirinn a n-áonló
do sháraidh cleth Cró a chinidh
nech 'na chló ní cuirfidhir.
- 32 Fer Dórcha mac Domnaill óig
nach ttug ré filidh fíormóid
slat dochaithme as ferr don fhiodh
ceann cothuighthe mac Míleadh.
- 33 Áodh mac Domhnaill dreach corcra
glún deiridh na dáonachta
go ttí an brath ní bertháoi a gheall
da bfeightháoi cách go coitchenn.
- 34 Mar théid fínemhain tar fíodh
do-chúaidh os cionn mhac Milead
eineach Gáoidheal clair Críomhthain
do bháidh áoinfer d'Éirionnchaibh.
- 35 Da dhearbadh gurab é as ferr
caithfid(h) ollamhuin Éirenn
sgíath na bfeindeadh ón táobh thúaidh
dénamh ar Áodh a n-énúair.
- 36 Oighre Subhaltuigh mar soin
ar ollamhnaibh fhóid Fionntoin

- ursa an tshluaigh ón Bhoinn brecghlais
do fhóir ar úair n-éigentais.
- 37 Oigre Subhaltaigh serc ban
filidh Fód(h)la a nDún Dealgan
do fhosd gég lle ma[s] fhíor
mile as da chéd a ccoimhlíon.
- 38 Secht mblíadhna dóibh 'na dhíaigh s[a]in
ag degmhac Fhechtna Fháthaigh
gan dol úadha soir nó siar
ó shoin ní chúala a choimhfhíal.
- 39 Do díb(h)redh fós fecht oile
filidh innsi hlúghoine
dóibh dob(h) umhal an trían túaidh
go hiadh nUladh an athúair.
- 40 Fíacha mac Báodain go mbuaidh
do connuibh iad an athúair
sé ar mhéin na riocráobh roimhe
fíoncháor do fhréimh Rúghraidhe.
- 41 An treas úair ní iul folaigh [265b]
ionnarbtur na hollamhuin
leó do hionnradh fonn Fód(h)la
dronn nárbh iongnad d'furfhógra.
- 42 Máol Cobha ceann chloinne hír
tri blíadhna íad 'gan airdrigh
im shéd nír donnadh a dreach
da céd deg ollamh úaibhreach.
- 43 O sin a-le lor do bhloidh
geall fher nEirenn ag Ulltaibh
fréumh an einigh leth ar leath
na deighfhir nar éur áoinneach.
- 44 Gach uair dar hionnarbadh inn
fuil Ír d'aimhdheóin fer nÉirinn
as íad soin do fhegh óirne
an tred ó mhoigh Modhairne.
- 45 Iar sin ar son ar ccábra
tugamur tus ealadhna
ós Ulltoigh do úaisligh inn
d'Ulltoibh tar úaislibh Éirinn.
- 46 Tús molta ón ló sin a-le
ag cloinn Ír d'éis a chéile
's tús ag Áodh úathaibh uile
craobh ó thúathaibh Toruidhe.
- 47 Da mbeth gan Áodh d'aicme Ír
tús d'faghail tar gach n-airdrigh
grúaidh shídhe lé bhfuil gach fáidh
do tuir Íle nír fhuláir.
- 48 Fada do bi Banba Bregh
a ccartaigh aga chinedh
níorb folair do bháidhbh Bhenchoir

- gairm d'foghail ré nEirennchoibh.
49 Náoi ccéd bliaduin deóigh a ndeóigh
d'fuil Rosa ní rádh aineóil
gasroidh fhionn na ngéirrenn nglan
os cionn Éirenn as Uladh.
- 50 Go ccaithtí an sáoghal mur soin
do bhíath da mbeidis d'éntoil
Banbha aca díaigh a ndíaigh
na slata abhla d'éincríaidh.
- 51 Cur riú um cennus críche Breg
nír fhóbradur mic Mhíledh
na tréinfhir ó bruach Banna
fúath gur eirigh etorra.
- 52 Nó gur dhóirtsiod féin a bfuil
do bhíadh d'aimhdheóin fer nUladh
slata réidhe mhuighe Máil
Éire uile 'na n-orrláimh.
- 53 Ríoghraidh éuchtach brúaigh Bhanna
ceilfid ar fhás etorra
techt [i]na ndíaigh d'Áodh Engach
craobh do críaidh na cláoin Temhrach.
- 54 Bráighe gill [fh]réimhe Rosa [266a]
as é Áodh Ó hÁongusa
as Áodh Engach da fhine
náomh Temhrach da thairngire.
- 55 Ibh Eathach na ccleth ccúmhra
uirre ad-chíam a comhardha
as é [a?] hÁodh an t-Áodh iodhan
sé ag gach áon da f[h]oillsioghadh.
- 56 Na croinn lupta lán do mhil
na linnte lán do mháighribh
na tolcha fa Dhún Droma
gan clumh orrtha acht iothlanna.
- 57 Grían geimhridh i mBeinn mBoirche
tráighidh eas lé hénoidhche
san táoibh thoir go núaidhe a-niogh
as-toigh as fúaire aimsior.
- 58 Trí ceóil nach neimbeinn le nech
gotha a sreabh faoidhe a fírbeach
críoch na ttrágh ngainmidhe nglan
as glár ainglidhe a healtan.
- 59 Na tolcha fa chleith Chabha
lán do legaibh lóghmara
taisdil mhuidhe cúirte an cháoil
ní fhúicfe duine diomháoin.
- 60 Ní ferthar fáoi ach frais do mhil
do-chúaidh cosg ar gháoth ngeimhridh
ga meisde tegh gan tuighe
ré seal fleisge Fernmhuighe.

- 61 Mór n-airdrigh ma a éarla nocht
ní hiongnadh rath 'na riogocht
bláth na ccraobh ón Bhaoill [?]ghil
nach máoidh ar áon athchuingidh.
- 62 Ocht rí dhég mur deir an sdair
(a)s tri fichid rí[ogh] do ríoghaibh
rug céim tar gach n-áon oile
im Áodh san réim ríoghroidhe.
- 63 Gach airdri dar airimh me
tig dhíobh a ndáigh a chéile
díol Gáoidhi[o]l uile d'óigre
sáoirfher mhuighe Modhoirne.
- 64 Rí oirbertach fola hír
mesuim é ris gach n-airdrigh
dar gabh Banba riam roime
cían ó tharla a ttarrngoire.
- 65 Niall dár feradh na frasa
mesuim ré Mag Áongasa
nír therc áon do reic romhaibh
dheit(h) a Áodh as ionnamhail.
- 66 Riot(h) do mhesfuinn echt oile
Murchadh mac Bríain Bhóromha
nó Conaire nár mhuidh mionn
a thuir rómhuighe Ráoilionn.
- 67 A troigh luthmur linges troid [266b]
a mic Í Dhuibhne a Dhíarmuid
a shéd búaidhe a traigh thoraidh
a Ghúaire chláir Concobhair.
- 68 A Náosi a Chonuill Cernuigh
a mhic Róich ó righThemhruigh
an bfuil áondhuine ar chlú ad chuing
a Laoghair[e] a Chú Chluinn.
- 69 A Osgair ré hedh ngábhuiddh
a Eachdhair a Iollánuigh
a Dha Thí [fh]réimhe Rosa
as í t'fhéile th'ionnmhus-[s]a.
- 70 A lámh as éinmhionn d'Ultaibh
a dheghchroidigh dhaonnachtaigh
a bheithir fhóid bennchuirr Bhreagh
a cerchuill na ccóig ccóigedh.
- 71 A chloch chuill íarthoir Eórpa
a bhárc dhaingen dhoileónta
a bhláth coillbhiledh bhenn mBreagh
dar toirbhiredh geall nGáoidheal.
- 72 A thonn rabharta ós cionn chúain
a traigh iondhola an athúair
a croidhe as daingne ag dáil shledh
a mháigre ó traigh na ttréinfer.
- 73 A nathair nermar nimhe

- a leóghan ar láidire
sgél fa dheóigh ní foghaim ort
a eóin choluim ar cennsacht.
- 74 A thosach clú fher nOiligh
a dheiredh an deghoinigh
gan nech ré t'fhéile ag iomáidh
leth t'fhéile nír airmhemair.
- 75 A mheic Eilísi a fholt fionn
a sherc óginghen Éirionn
tug gach duine aghaidh ort
mar shamhail luibhe a lúbhghort.^x
- 76 A fPedair a cruth corcra
a dhoirreóir na daonnachta
bíoth do ghrás tar mh'uile olc
ag fás mur luibhe a lúbhghort.
- 77 Trúagh do bheith fan lía luidhe
a mhic ríogh fhóid Áolmhuighe
gan aighthe dhámh im fhíon ort
fa-ríor ní lán do lúbhghort. Lubhghort...